

Yesùà á buà jo

Jésus multiplie la nourriture



Nouveau Testament

8

Yesuà á buà jo

Jésus multiplie la nourriture

CABTAL

B.P. 16550

Yaoundé

République du Cameroun

E-mail : info@cabtal.org

2011

Langue : baka, parlée dans la Région de l'Est de la République du
Cameroun
Code langue ISO 639-3 : bkc

Titre en français : Jésus multiplie la nourriture
Jean 6.1-15, 24, 26-29, 35, 41-42, 51

Cette histoire biblique, conçue pour les lecteurs bakas, a été
développée par une équipe de traduction à Ndjibot.

Illustrations bibliques de Jim Padgett, courtoisie de Sweet
Publishing, Ft. Worth (Texas) et de Gospel Light, Ventura
(Californie) © 1984. *Tous droits réservés.*

© CABTAL, 2011


Lìkànò a Yesùà a mbi kẹ́ é mèèlò tẹ̀ ngèlèpò a ngé à na buà tẹ̀ jo nẹ̀.

Yesùà òò na gò tẹ̀ na ngomà we a Komba. Á gò, á gò, á gò... Boo kòpẹ wó à tomé àwa ngèlèpò kẹ́ é bà mèè nẹ̀, e ko jókò.







À bo nò dakalà, Yesùà wó te wà kuno a ngéó wá o kenga pe wó dòto ndánda kpóde. Tie kè wó te jò a to njò kenga nè, wó sià, dàdi boo wá kɔ̀tò bite Yesùà.



Yesùà á nyì pe wó ɛ pòte. Yesùà á pò. É ɛ nò wà kuno a ngé pe : « Bo kènò wó jo só. Kòmbe a mè nì pe ? »




Wà kuno te Yesùà pe : « Koboe, boo kènòò wó ko dádì te mimilì. Lè sáka kè a nì te nè, e ko díì. E ndé a lékè te à tie na sè pe boo náo kòpe te jo. »




Noò wà kuno te Yesùà kina pe : « Koboe, e te lè yandé nè é te lè sio bíde te lè mapà. »

Yesùà té pe : « Dòe te. »



Endè, Yesùà te wà kuno a ngéó pe : « I mèè pe boo kòpe wó titì mòsikì. »

Ekò, wà kuno a Yesùào wá mèè pe boo kòpe wó titì mòsikì. Bo náó wó dàdì te mimilì. Te mókósè te wósè, te mókósè te wósè, te là a ngóó kòpe.



Pe wó titì mòsìkì kòkò nè, Yesùà á ja lè mapà kè lè yandé wèe te è. Á ja, á o te e Komba a ye te na to pe Komba tìtílí.

Á to pe wà kuno a ngéó pe : « I go na gapà jo kè te boo kòpe. »

Ekò, Yesùà ngo ja kina lè sio bíde. Á ja, á o te e Komba a ye te na to pe Komba tìtílí.

Á to pe wà kuno a ngéó pe : « I go na gápà te boo kòpe. »



Wà kuno a ngéó wá go te na gapà jo ná te boo kèpe.
Wá tongoà te na gapà jo ná. Tie kè wó bà tongoà te
na gapà te bimi lè jo ná kokò nè, jo ná ngé a tongoà
te na búà. A buà sikindi. A buà, a buà, a buà...

Boo ngó wá jo, kò jò, kò jò, kò jò... Wó pe : « Nye
nga à joe te jo kokò nè. Makàlà kè bu la e sísi te
sebù. » Boo ngó wá ngomà koà.



Yesùà tɛ wà kuno a ngéó pe : « I go na ja du jo ná, i do tɛ. »

Wá go na ja du jo ná, ngándà, ngándà, ngándà... Wá do tɛ.

Pe wó sià, du jo kè wá do tɛ nè, e ko dàdì a wɔ̀tò tie na jo kè wèe a mbèli è.




Pe boo wó sià mbì kè Yesùà á mɛ̀lɛ tɛ ngɛ̀lɛ̀pò a ngé à na buà tɛ jo nè, wó pe : « Bo ná é wà boò boo kè Komba kà̀nàò na kindé sikindi è. »

Èe ná kè wó fà ye pe Yesùà é dòto tɛ to njò boo kò̀pɛ è. Yesùà pe é sià koà, á ja ngòbó è, á ɔ̀.




À dukpe ná kò yiè, dàdì bo kènò wó te Yesùà òngi nè, wó bà geè Yesùà. Wá geè lé, géè, géè, géè... Wó ngo makà té.

Pe wó makà té koà, Yesùà tó pe : « Ngayi i bà do a geè lè ndè àwa jo kè ma à tngi pe i à tie kè i jèngi te pòte nè de kò ? Ma à manà pe i pe, I geè kò jo kè e bà jì nè a. I geè sì jo kè e bà ba te na tɔ pe boo jókò dótò nà tókpòlì nè. Jo ná, bo kè é bà tɔ é nè e wà boò boo. »



Ekò, wá yi Yesùà. Wó té pe : « Κοβοε, nye mo à ye pe nga mɛ̀ nɛ̀ ? »

Yesùà tó pe : « Komba é bà ye pe i lɛ̀mè bo kè ngé Komba é kɛ̀ndàe lé pe i nɛ̀. E ngaà kè ma à lèjio bite Komba à na tɔ pe i jo kè e à tɔ pe i jókò dótò nà tókpolì nɛ̀. Bo kènò wá dù ngòbó ó bitɛ̀ nɛ̀, bo náo wó lànè ndé pòte. Wó lànè ndé gomò èe kina. Ngó wá ye na dótò lànè bite Komba tókpolì tókpolì. »



Pe Yesùà é ngomà koà kokò nè, dàdì boo wá dù bumá ó bité.

Tie ná kò yìè, nõò boo wá dọ a jè kabu à bumá ó àwa pe Yesùà á ngòmà tó pe é là a Komba. Ngó wó à weè kọpò. Wó pe : « Te pe é là a Yosèpì de ? »

Lìkànò a mbì kè Yesùà é mèèlo te ngèlèpò a ngé à na buà te jo nè, ekò.

E sasa e : Sàa

Lìkànò kè bà manà pe atínì mbì kè Yesùà é ngòmàò pe, boo geè nì te jo kè e bà lèjì bite Komba nè.

Jo ná, te pe e ngòmà Komba de ?